

BAB III

BIO-DATA RESPONDEN

3A. LATAR BELAKANG RESPONDEN DAN KELUARGA

3.1 LATAR BELAKANG RESPONDEN

Latar belakang responden dan keluarga itu sendiri perlulah diketahui dan diteliti bagi melihat peranan dan implikasi kepada wanita yang menjalankan penduaan tugas. Latar belakang yang akan dijelaskan ini adalah mengenai bio-data mereka seperti umur, taraf pelajaran, saiz keluarga, tempat asal responden dan sebagainya. Faktor-faktor ini penting kerana ianya berkait rapat antara satu sama lain serta dapat menentukan golongan responden, jenis pekerjaan, pendapatan dan sebab-sebab mereka bekerja seterusnya implikasi terhadap keluarga.

Pertama sekali harus diketahui tingkat umur responden-responen yang ditemui, serta dibuat perbandingan antara responden yang sudah kahwin dengan responden yang belum kahwin.

Jadual 1: UMUR RESPONDEN

Umur Responden (Tahun)	Responden sudah kahwin		Responden belum kahwin	
	Bil.	%	Bil.	%
20 - 23	2	8	19	76
24 - 27	15	60	5	20
28 - 31	6	24	0	0
32 - 35	1	4	0	0
36 - 39	1	4	1	4
JUMLAH	25	100	25	100

Dari jadual 1 diatas, kita dapati kebanyakan responden iaitu 60 peratus yang sudah berkahwin berumur antara 24-27 tahun, di sini dapatlah dikatakan terdiri dari ibu-ibu muda yang telahpun mempunyai anak tetapi masih berpotensi untuk mempunyai anak yang lebih banyak bilangannya memandangkan responden-responden ini masih baru mendirikan rumahtangga. Sementara responden yang belum kahwin, sebanyak 76 peratus adalah terdiri dari mereka yang berumur antara 20-23 tahun dan hanya 20 peratus sahaja yang berumur diantara 24-27 tahun. Olih itu keranik-kerani wanita didalam lingkungan usia 20-27 tahun terdapat peratus yang lebih tinggi iaitu 96 peratus didalam golongan wanita belum kahwin berbanding dengan wanita yang sudah kahwin hanya 68 peratus sahaja.

Dari penelitian terhadap umur ini dapat pula dikaitkan dengan saiz keluarga. Dalam aspek ini hanya dapat dilihat saiz di dalam keluarga yang sudah kahwin.

Jadual 2: SAIZ KELUARGA RESPONDEN SUDAH KAHWIN

Bil. anak (orang)	Purata umur Responden	Bil. Responden	%
Tidak ada anak	25.3	4	16
1	25.8	10	40
2	27.3	9	36
3	32.5	2	8
Jumlah		25	100

Sebanyak 16 peratus daripada responden ini masih belum

mempunyai anak, dimana purata umur mereka ialah 25.3 tahun. Manakala peratus tertinggi (40 peratus) terdiri dari ibu-ibu yang mempunyai jumlah anak seramai satu orang yang purata umur dengan responden yang belum mempunyai anak tidak jauh bezanya, iaitu 0.5 sahaja, dimana responden yang mempunyai satu orang anak ini mempunyai purata umur 25.8 tahun. Peratus yang kedua tingginya ialah responden-respon-
den yang mempunyai anak berjumlah dua orang dengan purata sebanyak 36 peratus. Jika dilihat dari purata umur mereka juga telah me-
ningkat, iaitu 27.3 tahun. Sementara responden yang mempunyai anak seramai 3 orang pula hanya terdapat 8 peratus sahaja dengan purata umur 32.5 tahun. Jadi responden yang dikaji ini memiliki golongan famili yang masih mempunyai saiz yang kecil, paling ramai anak yang mereka miliki ialah hanya tiga orang. Keadaan ini pula dapat dikait-
kan dengan jangkamasa mereka kahwin dan umur ketika responden-respon-
den ini berkahwin.

Jadual 3: UMUR RESPONDEN KETIKA KAHWIN

Umur (tahun)	Bil. Responden	%
18 - 19	1	4
20 - 21	5	20
22 - 23	8	32
24 - 25	8	32
26 - 27	3	12
Jumlah	25	100

Dari sini didapati responden-respon-
den yang berkahwin antara

umur 22-23 tahun merupakan peratus yang tinggi iaitu 32 peratus, begitu juga dengan peringkat umur 24-25 tahun dengan jumlah sebanyak 32 peratus daripada 25 orang responden. Apabila diketahui responden yang ramai sekali (64 peratus) berkahwin ketika berada diperingkat umur antara 22 hingga 25 tahun dapatlah dikaitkan dengan peringkat umur responden yang dikaji mempunyai jumlah yang terbanyak (60 peratus) berada di dalam lingkungan 24-27 tahun seperti dalam Jadual 1. Jadi semua responden kecuali seorang yang berkahwin setelah umur meningkat 20 tahun. Oleh itu bersesuaian pula dengan jumlah anak yang diperolehi oleh responden-responden ini, dimana peratus tertinggi iaitu 76 peratus responden yang mempunyai anak antara 1-2 orang dengan purata umur antara 25.8 - 27.3 tahun (rujuk Jadual 2). Jumlah anak yang sedikit ini adalah lantaran responden-responden ini masih berada diperingkat baru mendirikan rumahtangga, seperti yang digambarkan didalam Jadual 4:

Jadual 4: LAMA MASA MENDIRIKAN RUMAHTANGGA

Lama (tahun)	Bil.Responden	%
Kurang dari 1 tahun	3	12
2 - 4	16	64
5 - 7	4	16
8 - 10	1	4
11 dan lebih	1	4
Jumlah	25	100

Dari 25 orang responden yang sudah kahwin ini didapati 64 peratus berkahwin selama antara 2 hingga 4 tahun, 12 peratus kurang daripada satu tahun, sementara paling lama sekali ialah hanya seorang sahaja. Ini menunjukkan responden-responden masih baru mengalami alam rumahtangga dan jangka masa antara 2-7 tahun (80 peratus) memanglah kebiasaannya wanita-wanita ini mempunyai anak yang masih sedikit atau mempunyai saiz keluarga yang kecil. Seorang responden yang telah berkahwin selama 11 tahun masih mempunyai hanya 2 orang anak. Walau bagaimanapun bagi responden ini tidak bererti ia ingin atau merancang untuk mempunyai 2 orang anak sahaja, kerana baginya anak yang diingini seramai 5 orang.

Begitu juga dengan semua responden-responden ini tidak semestinya mahu jumlah anak seperti yang ada sekarang ini, tetapi masing-masing mahukan anak yang lebih ramai lagi dari yang ada sekarang, iaitu di antara 3-6 orang. Demikian juga dengan responden yang belum kahwin. Bagi menunjukkan keadaan ini dapat dilihat dari Jadual 5 ini.

Jadual 5: BILANGAN ANAK YANG IDEAL

Jumlah anak (orang)	Resp. sudah kahwin Bil.	%	Resp. belum kahwin Bil.	%
3 - 4	9	36	11	44
5 - 6	10	40	10	40
Tidak tentu	6	24	4	16
Jumlah	25	100	25	100

130

Dari Jadual 5 ini didapati peratus yang tertinggi iaitu 40 peratus responden yang sudah kahwin mengatakan jumlah anak yang ideal ialah diantara lima hingga enam orang. Sementara bagi wanita yang belum kahwin didapati 44 peratus berpendapat jumlah anak yang ideal ialah antara tiga hingga empat orang. Keseluruhannya dapat dilihat pula 'mean' bagi jumlah antara 3-4 orang ialah 3.995, sementara bagi jumlah antara 5-6 orang ialah 5.995, oleh itu responden yang sudah berkahwin ingin memiliki anak yang lebih ramai kalau dibandingkan dengan responden yang belum kahwin. Keadaan ini mungkin bolih dikaitkan dengan jumlah adik beradik responden itu sendiri. Sekiranya adik beradik mereka ramai maka mereka inginkan anak yang sedikit bilangannya, memandangkan masalah atau beban yang ditanggung oleh orang tua mereka bila mempunyai anak yang ramai. Sementara bagi responden yang mempunyai jumlah adik beradik yang sedikit maka mereka mahu mengekalkan jumlah yang sedikit ini di kalangan anak-anak mereka pula bagi menyesuaikan dengan keadaan mereka bekerja di luar rumah ini yang memerlukan bantuan penjagaan jika anak ramai. Lebih jelas lagi dapat dilihat dari Jadual 6.

Dari Jadual 6 ini pula kita dapati ramai responden yang mempunyai saiz keluarga asal yang besar kerana terdapat sebilangan dari mereka mempunyai adik beradik yang ramai. Bila dilihat pada responden yang sudah kahwin didapati 40 peratus dari mereka mempunyai jumlah adik beradik seramai 5 hingga 6 orang, jumlah ini mencerminkan saiz ideal untuk keluarga mereka pula, dimana didapati 40 peratus

Jadual 6: BILANGAN ADIK BERADIK RESPONDEN

Bilangan adik beradik (orang)	Resp. sudah kahwin		Resp. belum kahwin	
	Bil.	%	Bil.	%
3 - 4	3	12	2	8
5 - 6	10	40	7	28
7 - 8	5	20	9	36
9 - 10	5	20	4	16
11 dan lebih	2	8	3	12
Jumlah	25	100	25	100

(jadual 5) dari mereka inginkan jumlah anak antara 5-6 orang juga. Keadaan ini menunjukkan saiz adik beradik responden boleh mempengaruhi jumlah anak mereka pula. Sementara responden yang mempunyai saiz adik beradik yang kecil terdapat peratus yang kecil juga, di mana bagi responden yang sudah kahwin hanya terdapat 12 peratus yang mempunyai adik beradik antara 3-4 orang, begitu juga dengan responden yang belum kahwin terdapat 8 peratus sahaja yang mempunyai adik beradik seramai 3-4 orang. Sedangkan jumlah ini bagi anak yang dingini merupakan peratus yang tinggi iaitu 36 peratus bagi responden yang sudah kahwin dan 44 peratus bagi responden yang belum kahwin (rujuk Jadual 5).

Keseluruhan responden-responden ini mempunyai jumlah adik beradik yang ramai, dimana 88 peratus dari responden yang sudah kahwin mempunyai bilangan adik beradik yang ramai iaitu antara 5 orang

138

hingga 11 orang lebih, sementara 92 peratus dari responden yang belum kahwin. Jumlah ini semua mencerminkan keluarga orientasi mereka, yang mana terdiri dari keluarga yang besar, oleh itu mereka mahukan keluarga mereka bersaiz kecil. Di sini dapat dilihat perubahan sikap wanita, yang mana dahulunya (terdiri dari ibu-ibu responden) mempunyai anak yang ramai, tetapi bagi responden ini inginkan anak yang tidak ramai, namun begitu mereka ini bukan bermakna tidak akan mempunyai anak yang ramai kerana memandangkan mereka masih berpotensi untuk mempunyai anak ramai kalau dilihat jangkamasa mereka kahwin itu masih berada diperingkat baru lagi, jangkamasa pembiakan atau kesuburan (fertility) mereka masih lagi panjang, mungkin sepuluh atau dua puluh tahun lagi. Oleh itu kemungkinan untuk memiliki saiz keluarga yang besar itu masih lagi ada melainkan jika mereka merancang keluarga. Oleh itu tidaklah dapat hendak dikatakan lagi bahawa saiz keluarga bagi wanita yang bekerja di luar rumah itu lebih kecil daripada wanita yang tinggal di rumah seperti yang seringkali terdapat andaian-andaian seperti ini dari masyarakat sekeliling, ini adalah kerana pengkaji menemui responden-responden yang terdiri dari wanita yang masih baru mengalami alam rumahtangga. Jadi secara keseluruhannya mengenai saiz keluarga ini, responden-responden ini berada diperingkat peralihan setiap dari sikap lama kepada sikap baru, di mana bagi wanita yang benar-benar moden sekarang ini inginkan hanya 2 orang anak sahaja sebagai jumlah anak yang ideal bagi menyesuaikan dengan keadaan dan sikap wanita yang bekerja di luar rumah.

Selain daripada itu perlu juga diperhatikan atau diketahui tentang latar belakang pendidikan yang dicapai oleh setiap wanita yang menjadi responden dalam kajian ini, kerana dari sini juga akan dapat mengetahui kenapa mereka bekerja dan sejauhmana mereka menyumbangkan pengetahuan mereka ini terhadap badan-badan berkanun.

Jadual 7: TARAF PENDIDIKAN

Taraf Pendidikan	Resp. sudah kahwin		Resp. belum kahwin	
	Bil.	%	Bil.	%
Tamat Tingkat 5 (SPM/MCE)	16	64	14	56
STP	7	28	11	44
Sek. Latihan (SPVM)	2	8	0	0
Jumlah	25	100	25	100

Dari Jadual 7 ini didapati kedua-dua kategori responden ini mempunyai peratus yang tinggi didalam pendidikan setakat tingkatan lima atau diperingkat Sijil Pelajaran Malaysia iaitu wanita yang sudah berkahwin didapati sebanyak 64 peratus, sementara wanita yang belum kahwin ialah 56 peratus. Oleh itu wanita yang sudah kahwin, ramai yang mempunyai pelajaran setakat Sijil Pelajaran Malaysia, hanya 28 peratus sahaja yang mengambil atau mempunyai asas Sijil Tinggi Persekolahan, sedangkan wanita yang belum kahwin sebanyak 44 peratus. Ini menunjukkan bahawa responden yang belum kahwin mempunyai pendidikan yang lebih tinggi dari wanita yang sudah kahwin tetapi lantaran

berbagai faktor dan masalah yang menyebabkan mereka berhenti sekolah dan memilih untuk bekerja. Kenyataan ini dapat dijelaskan dari Jadual 8, iaitu mengenai sebab-sebab mengapa responden-responden ini berhenti sekolah. Sebelum itu perlu juga dilihat pendidikan tambahan dari segi kemahiran seperti menaip dan trengkas di kalangan kerani-kerani wanita didalam sektor badan berkanun ini.

Jadual 8: PELAJARAN TAMBAHAN

Jenis Pelajaran	Resp. sudah kahwin		Resp. belum kahwin	
	Bil.	%	Bil.	%
Menaip	15	60	18	72
Taip & Trengkas	10	40	7	28
Jumlah	25	100	25	100

Tiap-tiap kategori responden ini mempunyai sejumlah besar dari mereka yang mempunyai pelajaran menaip, 60 peratus bagi golongan wanita yang sudah kahwin dan 72 peratus dari responden yang belum kahwin. Sementara selebihnya pula mempunyai pengetahuan dalam trengkas dan taip menaip. Faktor ini merupakan pengetahuan yang sesuai dengan pekerjaan dalam bidang pakeranian kerana dari sini juga responden dapat menambahkan kemahiran mereka, lalu dapat meningkatkan kategori mereka dalam pekerjaan. Biasanya responden ini belajar menaip dan trengkas pada masa lapang dan selepas tamat persekolahan^{an} iaitu sementara mendapat pekerjaan.

Setelah melihat taraf pencapaian pendidikan dari pelajaran

tambahan ini, didapati responden-responden ini ada yang mempunyai kemajuan dan mencapai taraf yang tinggi, tetapi apabila ditanya kenapa mereka tidak meneruskan pelajaran mereka dengan lebih tinggi lagi, maka responden-responden memberi berbagai alasan yang menyebabkan mereka berhenti sekolah. Gambaran ini dapat dijelaskan melalui Jadual 9.

Jadual 9: SEBAB-SEBAB RESPONDEN BERHENTI SEKOLAH

Alasan	Resp. sudah kahwin		Resp. belum kahwin	
	Bil.	%	Bil.	%
Tidak mampu	9	36	5	20
Tidak dapat masuk ke sekolah kerajaan	4	16	4	16
Telah mendapat kerja	8	32	13	52
Tidak ada minat untuk belajar lagi	4	16	3	12
Jumlah	25	100	25	100

Bagi responden yang sudah kahwin terdapat 36 peratus tidak mampu untuk meneruskan pelajaran yang menyebabkan mereka berhenti sekolah. Oleh sebab itulah sebanyak 64 peratus (rujuk Jadual 7) daripada mereka ini yang mencapai pelajaran setakat Sijil Pelajaran Malaysia.

Berbeza pula dengan responden yang belum kahwin, yang paling ramai sebanyak 52 peratus dari 25 orang itu berhenti sekolah kerana menerima pekerjaan yang ditawarkan. Dengan kata lain mereka meng-

utamakan kerja daripada meneruskan pelajaran, mungkin kerana mereka mahu membantu ibu bapa atau menyara adik beradik sebagaimana yang diketahui ramai responden-responden yang mempunyai bilangan adik beradik yang ramai (rujuk Jadual 6).

Tidak kurang juga responden-responden ini yang mengatakan sebab mereka berhenti sekolah kerana sudah tidak berminat lagi untuk belajar, iaitu sebanyak 28 peratus daripada 50 orang responden ini yang memberi alasan yang sebegini. Keadaan ini dapat dikaitkan dengan tempat asal responden. Dimana dari segi tempat tinggal ini iaitu sama ada dari bandar atau luar bandar akan mempengaruhi responden berhenti sekolah atau bekerja kerana ianya berkait rapat dengan latar belakang keluarga responden.

Jadual 10: TEMPAT ASAL RESPONDEN

Tempat Asal	Responden sudah kahwin		Responden Belum kahwin	
	Bil.	%	Bil.	%
Kelantan: Kota Bharu	9	36	11	44
Luar dari Kota Bharu	13	52	14	56
Luar dari Kelantan	3	12	0	0
Jumlah	25	100	25	100

Dari Jadual 10 yang menunjukkan tempat asal responden ini didapati lebih ramai yang datang dari luar Kota Bharu iaitu sebanyak 52 peratus bagi responden yang sudah kahwin dan 56 peratus dari

ini berasal dari negeri Kelantan iaitu dikatakan sebagai 'orang tempatan' bekerja di badan-badan berkanun di Kota Bharu.

3.1 LATAR BELAKANG KELUARGA RESPONDEN

Kita telah perhatikan tentang latar belakang responden itu sendiri, jadi perlu jugalah diperhatikan tentang latar belakang keluarga asal responden itu untuk membantu pengkaji menganalisa keadaan responden dengan peranan mereka seterusnya didalam bab-bab yang akan datang. Didalam aspek ini, perkara-perkara yang akan diperhatikan ialah mengenai umur dan pekerjaan ibu bapa responden. Faktor-faktor ini akan dapat menjelaskan dengan lebih mendalam tentang sebab-sebab wanita bekerja. Pertama sekali eloklah dilihat dulu tentang umur bapa responden seperti yang digambarkan dalam Jadual 11.

Jadual 11: UMUR BAPA RESPONDEN PADA MASA KAJIAN*

Umur Bapa (tahun)	Resp. sudah kahwin		Resp. belum kahwin	
	Bil.	%	Bil.	%
39 dan kurang	0	0	2	8
40 - 44	2	8	1	4
45 - 49	3	12	6	24
50 - 54	10	40	6	24
55 - 59	2	8	5	20
60 dan lebih	8	32	5	20
Jumlah	25	100	25	100

- * 5 orang dari mereka ini telah meninggal dunia dan 4 orang sebagai pesara.

Dari kajian yang dibuat ini didapati ramai responden yang mempunyai bapa yang berada dalam lingkungan usia yang telah tua. Bagi wanita yang sudah kahwin kebanyakan (40 peratus) mempunyai bapa yang berada dalam lingkungan umur 50-54 tahun, malah ada yang mempunyai bapa yang sudah menjangkau usia 60 tahun keatas serta terdapat juga responden yang sudah tidak mempunyai bapa lagi. Secara keseluruhannya kita dapat lihat di mana responden yang belum kahwin lebih ramai daripada responden yang sudah kahwin mempunyai bapa yang masih berada dalam lingkungan umur pertengahan yakni antara 39-49 tahun, iaitu bagi wanita belum kahwin sebanyak 36 peratus, sedangkan hanya 20 peratus bagi wanita yang sudah kahwin. Oleh itu nyatalah bahawa hampir keseluruhan (80 peratus) wanita yang sudah kahwin mempunyai bapa yang berada dalam lingkungan 50an hingga 60an, sedangkan bagi wanita belum kahwin hanya 64 peratus. Jadi, adakah mereka ini tidak mampu untuk menyara anak-anak mereka melanjutkan pelajaran? Persoalan ini berkaitan pula dengan umur ibu-ibu responden.

Rata-rata responden ini mempunyai ibu yang berada dalam lingkungan umur 40-54 tahun, dimana responden yang sudah kahwin mempunyai ibu dalam lingkungan umur ini ialah 76 peratus, sementara bagi wanita yang belum kahwin sebanyak 52 peratus. Apabila dilihat umur bapa dan umur ibu ini didapati ramai responden yang mempunyai ibu dan bapa yang berada dalam peringkat umur pertengahan. Faktor ini jugalah yang dapat mempengaruhi penglibatan responden didalam pekerjaan di luar rumah. Di mana responden melihat orang tua mereka, terutama

Jadual 12: UMUR IBU RESPONDEN

Umur Ibu (tahun)	Resp. sudah kahwin Bil. %	Resp. belum kahwin Bil. %
30 - 34	0 0	1 4
35 - 39	2 8	4 16
40 - 44	6 24	5 20
45 - 49	4 16	9 36
50 - 54	9 36	4 16
55 - 59	3 12	2 8
60 dan lebih	1 4	0 0
Jumlah	25 100	25 100

ibu-ibu yang tidak bekerja 'makan gaji' tidak semewah ibu-ibu yang 'makan gaji' dan tidak mendapat kebebasan dalam ekonomi. Oleh itu responden-responden memilih untuk bekerja bagi mendapat kesenangan hidup dan menjamin masa depan anak-anak mereka. Dari fakta ini kita dapat kaitkan dengan perubahan sikap dari wanita dahulu dengan wanita sekarang dalam bidang pekerjaan.

Dari umur ibu ini juga dapat memberi contoh kepada responden yang merupakan ibu dan bakal menjadi ibu. Bila didapati ibu-ibu kepada responden-responden ini mempunyai anak yang ramai, ini akan mempengaruhi responden s...da untuk mendapatkan anak yang ramai atau sendiri. Dalam Jadual 5 telah ditunjukkan jumlah anak yang diingini oleh responden adalah antara 3-6 orang sahaja, iaitu adanya pengaruh

daripada jumlah anak kepada ibu-ibu mereka (adik beradik responden). Mereka dapati dari segi kesihatan juga terganggu bila mempunyai (melahirkan)anak yang ramai, keadaan ini adalah contoh yang mereka dapati daripada ibu-ibu mereka. Responden-responden ini mengatakan ibu mereka sering saja sakit ketika usia sudah menjangkau 40an lantaran mempunyai anak yang ramai. Dari sinilah mereka cuba mengawal pembiakan atau berusaha supaya tidak mempunyai anak yang ramai dengan berbagai cara yang dilakukan seperti menggunakan perancang keluarga. Faktor mengamalkan perancang keluarga ini juga merupakan salah satu daripada tendensi bagi wanita yang bekerja di luar rumah untuk memiliki saiz keluarga yang kecil.

Pekerjaan ibu bapa juga merupakan latar belakang yang perlu diketahui untuk menentukan penglibatan wanita dalam pekerjaan nanti, terutama sekali bagi wanita yang belum kahwin.

Jadual 13: PEKERJAAN BAPA RESPONDEN SUDAH KAHWIN

Pekerjaan	Bil. Responden	%
Petani	11	44
Peniaga	4	16
Guru	3	12
Tukang perak	1	4
Nazir sekolah	1	4
Askar	1	4
Kadi	1	4
Merayan	1	4
Penyelia hospital	1	4
Pemandu teksi	1	4
Jumlah	25	100

Dari Jadual 13 ini didapati bapa responden yang menjadi petani adalah paling ramai iaitu sebanyak 44 peratus. Sememangnya diketahui pekerjaan petani memperolehi pendapatan yang kurang dan hidup di dalam serba kekurangan, oleh itu faktor ini merupakan faktor yang menyebabkan responden tidak mampu meneruskan pelajaran, terutama responden yang datang dari luar bandar. Keadaan luar bandar ini pula tidak dapat dipisahkan dengan pertanian, oleh itu petani tidak mampu meneruskan pelajaran anak-anak mereka, lebih-lebih lagi jika mereka mempunyai saiz keluarga yang besar. Begitu juga dengan pekerjaan bapa responden yang belum kahwin, seperti yang dinyatakan dalam Jadual 14 ini.

Jadual 14: PEKERJAAN BAPA RESPONDEN YANG BELUM KAHWIN

Pekerjaan	Bil. Responden	%
Petani	9	36
Peniaga	6	24
Guru	3	12
Askar	1	4
Penyelia hospital	1	4
Pemandu teksi	2	8
Boroh	1	4
Kerani	2	8
Jumlah	25	100

Bagi golongan responden belum kahwin juga mempunyai peratus yang tinggi (36 peratus) bagi mereka sebagai petani dan 24 peratus sebagai peniaga. Jadi dari segi latar belakang mereka adalah hampir sama dan sebab-sebab mereka berhenti sekolah juga hampir sama, iaitu dengan alasan tidak mampu meneruskan pelajaran di samping alasan untuk menyara adik-adik serta meringankan beban ibu bapa, kerana apabila kita lihat dalam masyarakat petani di kalangan orang Melayu terutamanya, bila sebagai petani maka isteri juga merupakan petani yang sekadar membantu suami dan mereka juga sebagai suri rumah.

Keluasan ini dapat digambarkan melalui Jadual 15.

Jadual 15: PEKERJAAN IBU-IBU RESPONDEN

Pekerjaan ibu	Responden sudah kahwin		Resp.belum kahwin	
	Bil.	%	Bil.	%
Suri rumah	11	44	14	56
Petani	8	32	7	28
Peniaga	5	20	4	16
Guru	1	4	0	0
Jumlah	25	100	25	100

Kebanyakan ibu-ibu kepada responden-responden ini merupakan suri rumah, di mana sebanyak 44 peratus responden yang sudah kahwin mempunyai ibu-ibu sebagai suri rumah dan 32 peratus pula sebagai suri rumah dan 32 peratus pula sebagai petani. Sementara 20 peratus sebagai peniaga dan seorang sebagai guru. Begitu juga dengan ibu

kepada responden yang belum kahwin sebanyak 56 peratus adalah suri rumah dan 23 peratus sebagai petani serta selebihnya (16 peratus) sebagai peniaga. Oleh itu ibu-ibu kepada responden-responden ini keseluruhannya, kecuali seorang tidak bekerja 'makan gaji', jadi ibu-ibu ini mempunyai masa berada di rumah lebih panjang daripada responden-responden itu sendiri. Di sini jelas menampakkan perbezaan dalam soal pekerjaan dan peranan antara responden-responden dengan ibu-ibu mereka.

3B. WANITA DAN PEKERJAAN

3.3 SEBAB-SEBAB WANITA BEKERJA

Ada berbagai-bagai faktor yang menyebabkan seseorang wanita itu bekerja di luar rumah atau dengan kata lain menduakan peranan mereka. Di antara sebab-sebabnya merangkumi faktor-faktor ekonomi, keluarga, keadaan sosial serta masyarakat sekeliling dan lain-lain. Faktor-faktor ini dapatlah dilihat seperti dalam Jadual 16 dan nuraian seterusnya.

Jadual 16: SEBAB-SEBAB WANITA BEKERJA

Alasan	Resp. sudah kahwin		Resp. belum kahwin	
	Bil.	%	Bil.	%
a) Memiliki wang sendiri	7	28	7	28
b) Menambahkan pendapatan keluarga/suami	6	24	10	40
c) Jemu tinggal di rumah	6	24	4	16
d) Ingin melihat hasil dari pencapaian pelajaran	2	8	2	8
e) Prestige	2	8	1	4
f) Lain-lain	2	8	1	4
Jumlah	25	100	25	100

a) Memiliki Wang Sendiri

Keinginan memiliki wang sendiri merupakan faktor ekonomi yang menjadi salah satu sebab seseorang wanita itu bekerja, terdapat sebanyak 28 peratus bagi responden yang sudah kahwin dan juga 28 peratus bagi yang belum kahwin. Mereka ingin berdikari dengan wang hasil dari pendapatan mereka sendiri, dengan ini mereka lebih bebas dalam menggunakan wang dan tidak terlampau bergantung kepada wang atau pendapatan suami semata-mata, lebih-lebih lagi bagi suami yang berpendapatan rendah.

Lagipun bagi wanita yang bekerja merasakan hidup mereka lebih ceria dan terjamin sekiranya mereka mempunyai wang sendiri. Sekiranya berlaku sesuatu perkara yang tidak dingini, misalnya berlaku perceraian, suami meninggal dunia, suami diberhentikan kerja dan perniagaan suami merosot, mereka tidak akan hilang punca pendapatan kelak, iaitu mereka menyambung tugas suami sebagai pemberi nafkah keluarga apabila mereka mempunyai pendapatan sendiri. Bagi melihat pendapatan responden dengan lebih jelas lagi, di sini diperturunkan dalam Jadual 17 jumlah pendapatan yang diperolehi.

Pada keseluruhan pendapatan responden dalam lingkungan \$300.00 hingga \$500.00 sebulan. Taraf gaji mereka ini bersesuaian dengan taraf pencapaian mereka dalam pelajaran. Walaupun responden ini mempunyai pendapatan yang rendah tetapi mereka tetap meneruskan kerja mereka, kerana mereka ingin memiliki wang mereka sendiri dan

Jadual 17: PENDAPATAN RESPONDEN

Pendapatan sebulan (\$)	Resp. sudah kahwin		Resp. belum kahwin	
	Bil.	%	Bil.	%
300 - 400	11	44	17	68
401 - 500	8	32	5	20
501 - 600	4	16	2	8
601 - 700	1	4	0	0
701 - 800	0	0	1	4
801 - 900	0	0	0	0
901 - 1000	1	4	0	0
Jumlah	25	100	25	100

bebas berbelanja dengan wang sendiri. walaupun didapati responden yang sudah kahwin ramai yang mempunyai suami yang berpendapatan lebih daripada mencukupi untuk menyara keluarga mereka yang masih kecil itu, tetapi mereka tetap juga bekerja di luar rumah. Ada pula se-tengan daripada responden ini mempunyai pendapatan yang lebih tinggi daripada suaminya, seperti yang dibuktikan dari Jadual 18 ini.

Jadual 18: PENDAPATAN DALAM KELUARGA BAGI RESPONDEN YANG SUDAH KAHWIN

Bil.	Pendapatan responden (\$)	Pendapatan suami (\$)	Pendapatan bersama (\$)
1	315	2,285	2,600
2	330	300	630
3	350	1,000	1,350

Sambungan

Bil.	Pendapatan responden (\$)	Pendapatan suami (\$)	Pendapatan bersama (\$)
4	370	400	700
5	350	750	1,070
6	370	1,100	1,470
7	335	1,000	1,335
8	370	300	670
9	400	400	800
10	400	500	900
11	420	1,000	1,420
12	420	500	920
13	420	370	790
14	420	1,000	1,400
15	470	545	1,015
16	470	545	1,015
17	471	1,000	1,471
18	500	500	1,000
19	520	350	870
20	550	1,000	1,550
21	550	500	1,050
22	600	1,400	2,000
23	670	8,000	8,670
24	600	1,000	1,600
25	1,000	1,000	2,000
Jumlah	11,671	26,745	38,296
Purata	466.84	1069.8	1531.84

Dari perbandingan dalam pendapatan ini terdapatnya responden yang mempunyai pendapatan yang tinggi, iaitu sudah bolih membuatkan responden berhenti dari bekerja di luar rumah dan menumpukan kepada tugas dalam rumahtangga kerana suami-suami bolih membiayai keluarga mereka, tetapi lantaran responden ini mahu memiliki wang sendiri maka mereka tetap meneruskan kerja mereka, walaupun pendapatan yang diperolehi terlalu rendah, contohnya seperti responden bil. 1 yang mempunyai pendapatan sebanyak \$315.00 sebulan, sedangkan suaminya mempunyai pendapatan sehingga \$2,285. Kalau dibandingkan kedua-duanya maka gaji isteri terlampau kecil, tetapi bagi responden ini, gajinya sendiri lebih bermakna dan mendorong beliau bekerja. Bagi menjelaskan dengan lebih lanjut lagi tentang pendapatan dalam keluarga responden ini perlu dilihat pula peratusan responden mengikut pendapatan suami, seperti yang digambarkan dalam Jadual 19.

Jadual 19: PENDAPATAN SUAMI RESPONDEN

Pendapatan sebulan (\$)	Bil. responden (sudah kahwin)	%
300 - 400	6	24
401 - 500	4	16
501 - 600	2	8
601 - 700	0	0
701 - 800	1	4
801 - 900	0	0
901 - 1000	8	32
1001 - 2000	2	8
2001 dan lebih	2	8
Jumlah	25	100

Hampir separuh (48 peratus) daripada responden ini mempunyai suami yang berpendapatan antara \$901.00 hingga lebih. Sebanyak 40 peratus pula yang mempunyai pendapatan antara \$300.00 hingga \$500.00 sebulan dan 12 peratus pula yang berpendapatan sederhana iaitu antara \$501.00 hingga \$800.00 sebulan. Jadi jelaslah di sini bahawa responden ini mahu memiliki wang sendiri merupakan faktor utama mereka bekerja, ternyata dengan 28 peratus (rujuk Jadual 16) dari responden yang sudah kahwin memberi alasan ini.

b) Menambahkan Pendapatan Keluarga

Bagi menambahkan pendapatan keluarga juga merupakan faktor ekonomi yang menyebabkan wanita bekerja. Sebanyak 24 peratus daripada 25 orang responden yang sudah kahwin mengatakan bahawa mereka bekerja dengan tujuan untuk menambahkan pendapatan suami dan membantu keluarga. Mereka ini (24 peratus) terdiri dari suami yang berpendapatan rendah antara \$300.00 hingga \$400.00 sebulan. Yang selebihnya adalah mempunyai suami yang berpendapatan tinggi, oleh itu adalah mereka bekerja untuk membantu suami? Sebenarnya maksud mereka ialah untuk membantu orang tua mereka, dimana apabila mempunyai wang sendiri maka mereka bebas membantu ibu bapa dan adik beradik mereka.

Faktor ini lebih tertumpu kepada responden yang belum kahwin kerana terdapat 40 peratus dari 25 orang responden ini memberi alasan mereka bekerja untuk menambahkan pendapatan keluarga. Keadaan ini ditambah pula dengan jumlah adik beradik yang ramai (rujuk Jadual 6), jadi responden-responen ini perlu membantu adik beradik mereka untuk

meneruskan pelajaran kerana ibu bapa mereka tidak dapat menampung perbelanjaan seluruhnya, lebih-lebih lagi sekarang ini semua keperluan harian memerlukan wang serta harga barang-barang juga semakin naik, sedangkan pendapatan tidak bertambah. Lantaran keadaan keluarga yang terdesak inilah yang menyebabkan responden bekerja di luar rumah.

Selain daripada itu juga apabila responden ini bekerja dan dapat membantu keluarganya, maka mereka dapat menunjukkan tanda menghormati dan membalas jasa kedua ibu bapa mereka. Ini ada kaitannya dengan nilai-nilai institusi keluarga di dalam masyarakat orang Melayu yang mengharapkan anak-anak dapat membantu ibu bapa dan kaum keluarga yang kurang bernasib baik. Harapan yang beginilah menyebabkan ibu bapa atau setiap orang mahukan anak iaitu untuk memberi jaminan dikala mereka tua serta menghibur dan menghilangkan rasa buniy dimasa anak-anak masih kecil. Faktor ini jugalah merupakan faktor yang mendorong suri rumah atau wanita-wanita untuk bekerja di luar rumah.

Jadi, pendapatan isteri adalah penting dari segi menambahkan pendapatan keluarga, umpamanya dengan pendapatan itu membolehkan mereka membuat pembayaran terhadap perbelanjaan - perbelanjaan yang mustahak seperti bayaran ansuran membeli rumah, membeli kereta dan lain-lain. Di kalangan keluarga di mana suami berpendapatan rendah atau "lower income group", keadaan isteri bekerja lebih tetap kerana perbelanjaan keluarga bergantung kepada kedua-dua suami dan isteri.

begitu juga seperti yang dijelaskan oleh Davies;

"The work that women do, and always have done, to supplement the family income, has moved away from the home and into the office, the factory, and the shop. In addition, the traditional products of woman's labour at home, the bread, the cloting are now not made within the family but bought for it in shop from the money made in outside work. Marriage has brought with it economic duties, and with them the assurance of a certain economic status. Formerly, the economic and social status went together;.... However, as we have seen, a separation has occurred between the two parts of the dual function of women; as wife and mother, and as a contributor to the upkeep of the family. In the second role, most women once other contributed by making goods for sale outside, or reduced family expenditure by making clothes and growing or other-wise providing food."

(Davies: 1975: 99)

Olin itu, dengan keluarga yang bergantung kepada kedua-dua pendapatan suami dan isteri dapat meninggikan taraf hidup keluarga, keadaan ini dapat dilihat dengan jelas dalam Jadual 18 tadi. Dari jadual tersebut kita dapati sekiranya hanya suami-suami sahaja yang bekerja, sedangkan isteri tidak mempunyai pendapatan maka purata pendapatan suami ialah \$1069.8. Sebaliknya apabila isteri juga mempunyai pendapatan maka kedua-dua pendapatan itu dicampur dan didapati puratanya meningkat kepada \$1531.84 sebulan. Olin itu jelaslah adanya pertambahan didalam pendapatan keluarga dengan adanya pendapatan responden, yang mana purata keseluruhan pendapatan responden ini ialah \$256.04 sebulan.

c) Ingin melihat hasil dari pencapaian pelajaran

Sebanyak 16 peratus dari kedua-dua golongan responden ini, iaitu masing-masing 8 peratus memberi sebab mereka bekerja ialah untuk melihat hasil dari titikpeluh mereka belajar selama ini. Responden-responden merasakan sia-sia jika pelajaran yang mereka terima di sekolah atau di pusat-pusat latihan itu tidak digunakan untuk mendapatkan hasil kemudiannya. Sememangnya menjadi dasar pemikiran masyarakat kini bahawa belajar itu adalah dengan tujuan untuk bekerja atau dengan lebih tepat lagi untuk 'makan gaji'. Ini dapat dikaitkan dengan keinginan seseorang itu untuk meninggikan taraf hidupnya yang dirasakan tertindas atau berada dalam serta kekurangan, lantas mereka bekerja. Jadi, dengan peningkatan dalam pelajaran dan pertambahan wanita yang terpelajar menyebabkan pertambahan wanita bekerja di luar rumah dengan menduduki peranan mereka. Oleh itu pelajaran juga merupakan salah satu faktor yang mendorong wanita bekerja di luar rumah.

d) Jemu tinggal di rumah

Tinggal di rumah sahaja sepanjang hari merupakan sesuatu yang menjemukan bagi sebilangan wanita. Bagi responden-responden yang diteliti dalam kajian ini didapati 24 peratus dari golongan yang sudah kahwin dan 16 peratus dari 25 orang yang belum kahwin berpendapat bahawa tinggal di rumah sehari suntuk adalah menjemukan, oleh yang demikian mereka mencari jalan keluar dengan bekerja di luar rumah.

Faktor ini boleh dikaitkan dengan perubahan masyarakat dari tradisional kepada masyarakat industri bandaran hari ini. Seperti

mana yang dijelaskan didalam Bab II dulu dalam zaman moden ini membawa teknologi moden, lalu memberi berbagai kemudahan didalam penggunaan peralatan rumah. Jadi sekiranya dahulu, masa yang banyak dihabiskan di rumah, tetapi sekarang wanita-wanita menggunakan segala kemudahan itu dan memendekkan masa kerja di dalam rumah kerana kerja dapat dilakukan dengan cepat, hasil dari penggunaan kuasa automatik, oleh itu wanita atau responden ini mempunyai masa lapang yang banyak. Untuk memenuhi masa lapang inilah mereka bekerja di luar rumah. Responden ini juga merasakan tugas mereka di rumah sudah diambialih oleh alat-alat moden itu, dengan ini menimbulkan rasa jemu tinggal di rumah, begitu juga mengikut Ogburn dan Nimcoff;

"Sememangnya ada bukti-bukti yang menunjukkan wanita kelas menengah dalam masyarakat industri bandar menunjukkan ketidakpuasan dalam peranan mereka di rumah."

(Ogburn & Nimcoff: 1969: 156)

Faktor ini adalah kerana pekerjaan di rumah dirasakan sesuatu pekerjaan yang tidak mendapat ganjaran atau bayaran yang memuaskan seperti pekerjaan yang boleh didapati di luar.

e) "Prestige"

Faktor "prestige" ini dapat dikaitkan dengan perubahan nilai masyarakat sekarang ini yang ada diantaranya memandang tinggi kepada wanita yang berpelajaran dan bekerja. Oleh itu bekerja di luar rumah adalah sesuatu yang dianggap "prestigious", dari kajian ini didapati

sebanyak 12 peratus daripada responden bekerja untuk mendapatkan "prestige" yang tinggi dimata masyarakat. Alasan ini jugalah yang menyebabkan wanita sanggup memainkan dua peranan dalam hidup mereka.

Di kalangan masyarakat bandar terutamanya kenaikan taraf penghidupan yang cepat dan tambahan perbelanjaan-perbelanjaan yang perlu atau "rising standard of living and growing consumption need" mengakibatkan keperluan bagi keluarga mengikut naik lebih cepat daripada pendapatan. Keperluan-keperluan ini bukan saja disebabkan oleh "basic necessities" tetapi juga oleh "drived wants", iaitu mengikut keadaan hidup keluarga-keluarga yang berdekatan, dengan ini benda-benda yang tidak betul-betul merupakan keperluan menjadi keperluan, kerana "prestige" yang boleh didapati darinya mengikut penilaian dan sikap masyarakat. Bagi masyarakat bandaran sekarang ini sangat memandang dan mengutamakan "prestige", terutama bagi mereka yang bekerja. Keadaan ini dapat membuktikan teori "encironmentalis" yang mana keadaan budaya dan sosial mempengaruhi kelakuan dan kehidupan seseorang.

1) Lain-lain faktor yang menyebabkan wanita bekerja

... Diantara lain-lain faktor yang membuatkan wanita bekerja di luar rumah ialah untuk meluaskan pengetahuan dan pergaulan dengan masyarakat, lantas dapat mengetahui keadaan masyarakat besar yang sebenarnya, didalam dunia pekerjaan dunia pekerjaan terutamanya. Sebanyak 12 peratus daripada 50 orang responden ini yang mempunyai kesedaran yang sedemikian ini. Keadaan ini disebabkan pertambahan wanita berpelajaran dan pemikiran mereka telah terbuka kepada dunia

luar daripada rumahtangga.

Disamping itu terdapat juga responden yang menjawab persoalan ini dengan mengatakan mereka seronok bekerja, keseronokan ini dimaksudkan dengan dirinya dapat kepuasan dari segala faktor-faktor tadi, iaitu dari aspek ekonomi dan sosial. Oleh itu dapatlah dikatakan bahawa kedua-dua faktor ekonomi dan sosial merupakan sebab mengapa ramai wanita menceburkan diri dalam pekerjaan di luar rumah.

"Today's married women return to work not only for the money but for companionship and for an escape from labour-saving home."

(Davies: 1975: 138)

Begitu juga dengan wanita yang belum kahwin nampaknya mempunyai pendapat dan memberi alasan yang sama dengan wanita yang sudah kahwin dalam persoalan ini.

Apabila ditanya samada responden ini akan meninggalkan kerja mereka ini untuk menguruskan rumahtangga dengan sepenuhnya, didapati ada yang mengatakan kemungkinan mereka berbuat demikian, inipun kalau benar-benar terdesak seperti tidak dapat mencari pembantu rumah, mengikut suami bertugas ke tempat lain atau bila kedudukan kewangan mereka telah stabil. Walau bagaimanapun hanya sebilangan kecil sahaja yang sanggup berbuat demikian, ini menunjukkan bahawa mereka sangat sayang kepada kerja yang mereka pegang, walaupun suami mereka mempunyai pendapatan yang tinggi dan mereka sendiri berpendapatan kecil tetapi mereka tetap ingin meneruskan kerja mereka.

Sikap suami merupakan salah satu faktor yang penting dapat mempengaruhi wanita untuk bekerja. Memandangkan suami-suami kepada responden-responden ini mempunyai pendapatan yang tinggi tadi, bolehlah dikatakan bahawa mereka terdiri dari golongan suami yang berpelajaran seperti berkelulusan dari universiti dan lain-lain institusi pengajian tinggi. Dengan pelajaran ini mengubah sikap suami tradisional yang sukakan isteri tinggal di rumah melayan anak-anak dan suami kepada sikap suami sekarang yang mempunyai kesedaran dan menggalakkan isteri mereka bekerja untuk menambahkan pendapatan mereka serta memberi kebebasan kepada isteri mereka dengan ertikata tidak terlalu mengongkong isteri mereka.

Dari faktor-faktor yang dijelaskan itulah yang menyebabkan wanita-wanita ini bekerja di luar rumah. Dimana ciri-ciri ini merupakan trend kepada wanita zaman moden yang sukakan kebebasan dan tidak terlalu mengikut atau bergantung kepada suami kerana mereka sudah mengetahui dan mengerti akan hak-hak serta tanggungjawab-tanggungjawab yang harus dipegang atau dijalankan oleh seseorang wanita.

